



0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

deli 得力集团有限公司  
No. 6230  
No. 02260122号







161026













讀書堂綵衣全集





讀書堂綵衣全集

河陽趙士麟玉峰父著

受業彭寧求輯

韋鍾藻校



男 宸黼編

卷四十三

撫浙條約上

七則







撫浙條約上

關防詐偽

照得本都院家籍滇中滇之去浙萬里滇之人之  
不至於浙可知也雖本都院之所交非盡滇人非  
滇之人之或至於浙則未可知也但本都院孤懷  
落落與本都院交無不知本都院之爲人其至浙  
也必非爲浙撫而來也若有指稱爲浙撫來者此  
不知本都院之爲人其非本都院之交可知也驅  
逐之可也束縛之可也卽果係本都院之交而乃  
不知本都院之爲人束縛而驅逐之亦無不可也



爲此云如有外來遊棍假稱知識誑言門下及

借名同宗冒認子弟等輩或潛藏旅次馳騁通衢  
或周遊列郡遍歷州邑敢於勾通地棍衙蠹攬事  
求情撞騙愚民者該管官立刻鎖拿解院定以光  
棍治罪保甲容留一併連坐有司以失察叅處不  
貸

嚴官守

竊照吏不廉平則吏道衰師帥不賢則主德不宜  
恩澤不流官亂民貧莫可底止蓋百姓者

皇上之赤子所望清慎之官仁惠之長如保傅然如乳

哺然毓之以利煦之以和教之以孝悌道之以德



恩澤不流官亂民貧莫可庇止益百姓者

皇上之赤子所望清慎之官仁惠之長如保傅然如乳

哺然毓之以利煦之以和教之以孝悌道之以德  
義則群生和而萬民殖矣若居上者以刻爲威以  
察爲明以政教爲腐論以德化爲迂濶暴虐百姓  
與姦爲市賊私狼籍肆意病民令百姓困窮處處  
流散饑者不得食寒者不得衣鰥寡孤獨者不得  
存老幼廢疾者不得養致民之於官也畏之如豺  
虎惡之如仇讐冤抑之聲上徹於天鬼神爲之怨  
怒陰陽爲之愆錯憲府咫尺而不得盡伸

君門萬里而不得告訴如此則百姓有塗炭之苦

皇上安得而知之



皇上有愛民之心百姓安得而被之谷永曰違天害德  
爲上取怨於下莫若貪殘之吏豈不信哉由今之  
風察今之治撫字勞心稱爲政拙善事上官率與  
薦名是郡縣爲監司之外庖矣苞苴公行稱爲常  
例擇肥而食怙惡不悛是州縣又爲郡守之外庖  
矣一紙到官身家立破私徵私派無了無休是小  
民直爲州縣之魚肉矣若本都院表率不端簞簋  
不飭何以異於是然藩臬之去郡縣稍遠巡撫去  
郡縣倍遠最近最親最毒最擾莫如本道郡守之  
於州縣色厲內荏視隙而攫飛差四下飽饜斯已

使州縣不得守其官小民不得安其室而郡守之



於州縣色厲內往視隙而攫飛差四下飽饜斯已  
使州縣不得守其官小民不得安其室而郡守之  
害爲特甚道府滋擾則屬員盡亂道府安靜則屬  
邑皆安卽有不肖州縣自然望風收斂敢更有大  
膽橫行以嚼民者乎至若治漕之重務弊甚於郵  
傳校士之清風羶浮於鹽法藩司叢利之府侵漁  
匪艱臬司骫法之原對威更易俱宜振刷各稟官  
方爲此云云各官宜思名節之當重功名之當全  
身家之當保性命之當惜上體

皇上子惠元元之至意下諒本都院期於澄清吏治之  
本心澹泊儉約易轍改絃悉念民艱與之休息俾



讀書堂  
富者得保其身家貧者不至於流離怡養太平官  
民共樂乃可謂相與有成者矣倘因循故習惟利  
是視恣意倒行罔恤民依或被百姓首告或親經  
訪聞本都院鐵面無情山嶽不易立刻拿參斷不  
少貸彼時便爲名教之不齒兼成祖宗之罪人

國法可畏清議可畏各宜靜思勿貽後悔

廣條陳

爲敬詢民隱特廣條陳以益見聞以備採擇事照  
得本院欽承

簡命撫爾浙邦時切永兢真同蚊負下車以來念小民

之是依思疾痛之務去奈才識兼庸釐剔鮮術將



簡命撫爾浙邦時切永兢真同蚊負下車以來念小民

之是依思疾痛之務去奈才識兼庸釐剔鮮術將  
欲諮於官歟則利於民者未必利於官誰肯直吐  
將欲諮於紳歟則痛於心者未必痛於口孰無顧  
忌遣僕訪則愚賤之人不識大體知其一未必知  
其二差役查則狐鼠之輩再假以翼行其私未必  
得其公用是恪居官次早夜思維何利當與何害  
當除欲除害還當問之受害之人真痛真癢所言  
必切欲興利還當問之受利之人或甘或苦所條  
必公爲此示行諮訪通省紳士耆老百姓人等共  
諒本院虛懷若渴實心爲民其各直陳毋或少隱



何者有益於地方何者有病於吾民從公起見勿  
快已私其有言之最當行之宜急者本院立見諸  
施行不敢遲之少刻其有言之未盡善行之可稍  
緩者本院密存以酌奪不復示之於外其有本院  
文告條約內已革已行者不必疊出限於六月二  
十日俱各赴省城察院依期投遞仍令仁錢兩縣  
令查閱方收舉行止此一次此後不准竄擾其有  
匿名假名并列欵告訐投密害人者查出除所陳  
不收外仍按法重懲不貸

正風俗

竊照致治有本務清其原必先正俗而後行法先



正風俗

竊照致治有本務清其原必先正俗而後行法先立教而後明刑浙省乃文獻之邦士子爲四民之首理學忠節昭於史冊碩德名賢代不乏人邇來紀綱凌替小加大少凌長孝悌之行不敦廉耻之道不講小民父子兄弟之間往往以無知而犯重辟出乎禮則入乎刑其勢然也本院奉

命撫綏入境采風生聚教訓之遺古道悉存忠孝禮義

之風流微如昨願與闔屬極力振興尤樂與紳士互持風教蕩滌舊習嘉與維新故特提綱挈要列有數則以彰激勸先聲若違道亂常惟執法不宥



特示

一名卿鉅公鄉邦典型休假在籍地方有司所宜  
優禮其有現任不在籍者并以存恤其家以崇  
大體若豪奴宦裔恃勢橫行則繩之以法勿許  
徇縱

一君子小人自有定分市井無賴反指宦居奇遂  
有以搏擊摧殘爲事者清流善類何以自全地  
方官所宜留意敢有棍徒凌轢紳衿者重法以  
懲

一學宮者儲養人材之地也國家欲得賢人君子

而用之須預培於學校近來學缺道微羽毛零



一學宮者儲養人材之地也國家欲得賢人君子  
而用之須預培於學校近來學缺道微羽毛零  
落子衿泮藻之榮不能博負販鄉氓之一盼有  
名爲士而窮餓不堪漸類溝中瘠者州縣之官  
不行體恤甚至當堂詈罵更加敲扑使奴隸賤  
人效尤侮辱殊非體統此後并宜厚植其有品  
行端方閉戶潛修文行兼優拔出流俗者更加  
意作養用培士氣用勵頽風

一諸生中有假詩刻以呈身聯聲氣而結社以非  
笑異己爲樂以品題月旦爲能此浮夸之士司  
教者宜勸誠而禁絕之



一民間有孝悌力田醇謹節義者公舉得實州縣  
官申詳本院卽爲旌獎

一各學之舉優劣里社之講鄉約耆民之於鄉飲  
比戶之立保甲皆以導民爲善禁民爲非而有  
司盡視爲虛文或有因而取利者合行申飭務  
實舉行

一吳越民貧而俗侈有借旗債而營生者亦有借  
旗債而妄費者不節之嗟人所共曉以習尚如  
此不得不然總是愚惑故爾效尤此後務崇節  
儉勤於務本諸凡服飾燕會禮儀婚姻其期樸

素勿事奢華習於淫巧遊山遊湖浮蕩不率以



儉勤於務本諸凡服飾燕會禮儀婚姻其期樸  
素勿事奢華習於淫巧遊山遊湖浮蕩不率以  
至日見窮蹙雖悔何追

一諸生中有出入衙門擊斷鄉曲營鑽勢利如蟻  
赴羶輟詩書而躬包里役之充酬杯飲而便廁  
公庭之質退持短長於後進頌功德於前順之  
則魚肉小民拂之則條陳官長清夜全迷士林  
貽玷此士本貴而自致其賤也犯此者若苗之  
有莠粟之有秕地方官宜刈之揚之本都院一  
面飭行學道轉行各府州縣嚴立門簿登記姓  
名按季呈核仍不時密訪嚴拿以除敗類至於



讀書堂  
抗糧一節

功令尤嚴許州縣官不時據欠申報輕則行道褫究  
重則照江南

奏銷例解部治罪該學教官以溺職叅處

一捐納職銜以及例監間有世家子弟率循由禮  
者其餘多係市井亦爾同聲附和橫同學霸既  
無歲考之憂名厠辟雍儼作鄉紳之勢誇張鄉  
里遇事風生所當一體禁飭有犯立懲

一武弁武生及告頂生員猖獗最盛至捐納之武  
生半係販夫市僧買一符以護身竟肆行而結

黨把持官府恐嚇鄉愚開椿局賭包攬詞訟謀



生半係販夫市僧買一符以護身竟肆行而結

黨把持官府恐嚇鄉愚開樁局賭包攬詞訟謀當里長事多犯上爲害最大宜加重懲

一遊手遊食之輩不事本業淫酣賭博犯上蔑倫動輒糾集多人背黃喊冤喊冤不已卽行打搶此等平日則爲刁民有事卽爲強盜又有身列衣冠而明火執械以往爲人子弟而糾合外盜以逞此皆不赦合併申嚴

一奴僕告主往往而有或因主弱僕強或因主貧僕富遂懷欺凌之心急正惡逆之罪

一古刹名山燒香念佛男女雜遝甚有遠涉數百



里外舉家借宿僧房大傷風化合行嚴禁婦女  
不許入廟燒香地方有司取僧道官甘結違則  
罪坐住持

一州縣之內興寺造塔聚眾講經扶請乩仙受持  
符籙男女度爲僧尼均有礙於教養合行嚴禁  
犯者重懲

一倡優匪類最爲敗壞人心此輩歇集多投當道  
縉紳掛其牌面恣橫閭里此後地方官各以嚴  
禁不許此輩入境亦不許地方容留違者重懲  
一賭博一途去盜最近有大開賭場擲骰打吊攫

取人財雖清流亦所不免何以示法鄉里合行



禁不許止... 一賭博一途去盜最近有大開賭場擲骰打吊攫  
取人財雖清流亦所不免何以示法鄉里合行  
嚴禁犯者立拿重懲併禁販賣紙牌骰色等貨  
地方官重責以逐

### 禁約

照得政在整綱害先去甚本都院受

命撫浙卽留心體訪地方疾苦蒞任之後博詢輿論公

聽折衷酌定規條頒行郡邑如確能稟遵則官皆  
良牧俗盡淳民叅罰刑威可以不事或敢於悖道  
亂常法在不宥所有禁約開列於後

一上司之餽送下吏之苞苴也餽送旣繁苞苴必



甚無如陋習相沿牢不可破多寡論縣之大小  
疏數定官之賢否稍遲則提衙役肆詬詈指癥  
索類喜怒橫施妻壽子婚科條雜出州縣遂致  
有僉派里長開單押令代餽者而里長於州縣  
亦復有節禮壽禮之餽其取之者義乎是不待  
教而誅者也至於地方稍有出產上司無不垂  
涎產綢布則受綢布之累產柴炭則受柴炭之  
累產酒茗食物則受酒茗食物之累封價些微  
名曰平買屬官不敢開封原銀卽行密繳而差  
役之需索貨物之交收費且數倍因而防營協

弁並起效尤甚至過客鄉親倚藉勒買民何以



役之需索貨物之交收費且數倍因而防營協  
弁並起效尤甚至過客鄉親倚藉勒買民何以  
堪本都院訪聞已悉力期痛革如有敢蹈前轍  
者照贓叅處斷不少爲瞻徇

一府州縣佐貳首領官不許濫准詞訟久奉飭行  
乃今之佐貳等官無日不收呈詞無時不出籤  
票官同乳虎役類饑鷹錢入手則和息不論孰  
是誰非號旣銷則免供豈顧此冤彼枉職任閑  
散乃敢目無

功令肆意橫行若此真膽足包天矣合行嚴禁嗣後  
佐貳首領官如有擅受民間片紙隻字仍前擾



民者訪實立刻叅逐其有不肖印官利其結納  
餽遺及呈繳罰贖濫送故容者并叅不恕

一積蠹盤踞衙門撥官害民管錢糧則私派分肥  
承刑獄則招搖納賄有父子兄弟朋充濟惡者  
有身在風憲衙門親族徧布下司接應者有責  
革竄逐變易姓名復入者居則車騎盈門出則  
拱揖闐市豐置膏腴卧享華廈而民之傾家殞  
命者櫛比矣若該管精明猶有燭破奸狀之時  
一遇木偶慘禍不可勝言方且深信不疑傾心  
委任不知本官最得用之人卽萬姓共含怨之

人一旦敗事官亦坐累可不猛省爾司道府廳



委任不知本官最得用之人卽萬姓其含怨之  
人一旦敗事官亦坐累可不猛省爾司道府廳  
州縣衙門有此等巨愆速自摘發申報倘待訪  
拿除本臺審賊定罪外該管官卽以縱蠹題叅  
一刑獄之設以治害吾民者非戕賊乎民之具也  
邇來有司以酷濟貪一紙入官兩造未鞫擇肉  
而食任其株連或輕罪而繫重獄或無辜而被  
羈囚或小訟易結而故淹歲月或片言可折而  
動輒申詳迨暮夜之金一入則已成之案立更  
恚怒橫施刑威不測以民命爲草菅抑何痛而  
不德也合行嚴飭嗣後各衙門不許濫准虛詞



不許妄收監禁除盜賊光棍重犯外其餘拶指  
挺棍不得輕用刑具俱依部頒定式不得擅用  
百餘觔大枷龍鬚猴頭等大板至比較錢糧乃  
啣甲良民尤須小板量責倘任意恣用殘民肢  
體者訪實叅處其道府所轄遼遠一應細事不  
得輒行提審俾民有奔馳守候之苦且奪長吏  
之權致奸民間風越訴亦非政體違者併叅  
一扶良必須剪惡敗稼之根害群之馬所當亟爲  
芟逐如地方之豪紳劣衿刁徒光棍拳師打手  
本都院素爲切齒隨訪隨拿但從來訪犯之拿

初覺允愜輿情遠近稱快未幾卽已脫離犴狴



本都院素爲切齒隨訪隨拿但從來訪犯之拿  
初覺允愜輿情遠近稱快未幾卽已脫離犴狴  
逍遙里門始猶爲晝伏之狐狸後竟成出柙之  
虎兇由此輩交通上下賄賂聲援捷於呼吸卽  
被害者亦知其必無死理不敢堅證其罪若本  
都院非訪聞確實决不輕拿旣拿之後立誓剪  
除不肯輕縱承問衙門各仰體勿徇

一浙俗刁悍健訟動以人命裝頭不知殺人或挺  
或刃必有兇器必驗傷痕必原謀故毆殺之由  
始得擬罪抵命其餘投繯服鹵之輩卽威逼情  
真亦止斷埋重杖今則或衰老畢命或嬰童自



斃或沉痾不起或凍餒而殭或失足溺波或墮  
胎殞命地方奸棍輒視爲奇貨可居教唆屍親  
代寫詞狀包控包准擇里中之殷懦可啖或平  
日少有口角睚眦之怨者目爲兇身卽時擒縛  
拘囚百般凌辱甚或蜂擁其門席捲其室如此  
奇寃最慘最酷合行嚴禁嗣後地方人命一經  
呈報該縣印官卽刻單騎減從親臨相視屍傷  
真僞可以立辨人情公論可以博詢不得漫委  
佐貳耽延時日以致屍壞礙檢叢弊生奸相驗  
之後若事屬虛誣卽按反坐之律嚴究唆訟之

人盡法處治毋或少貸違者以罪輒論



佐貢取延時日以至屍塚破棺董男生女木馬  
之後若事屬虛誣卽按反坐之律嚴究唆訟之

人盡法處治毋或少貸違者以罷輒論

一營線肆惡駭人聽聞其作線於內者則賣身之  
無籍或叛主之奸奴其作線於外者則遊手之  
積棍或敗檢之青衿拴搆旗下之人干預民事  
把持衙門佔踞埠頭開椿局賭扮逃作線盤放  
私債陰謀人之子女逼寫人之房產雖狐假虎  
威之人實繁有徒而勾通牽引之人其情尤毒  
誓除此線則兵民自然兩安嗣後或被入告發  
或經訪得實俱照光棍例問擬立斬本都院操  
三尺以待有不畏死者聽其自投法網



一盜案處分最嚴地方官無弭盜之法而止習於諱盜殊不知盜之行劫皆非無因突至有等積棍之徒專爲窩主闕鄉城之富戶供汎捕之月規亡命悉寓其家糾集多出其手盜有敗露則曲爲幹旋或指使遠颺而盜因藉其覆庇故至死亦不招扳此大盜之藪也盜藪不除盜夥不散至於屠沽市上陸博場中三五成群呼盧達旦窘迫無聊尤爲盜之根芽地方有司於此數者不能密緝嚴拿預除民害及遇失事則逼勒失主報人數以多爲少聞物件改重就輕稍不

順意則先敲扑其家奴玷辱其閨闈以爲盜出

本家孽日自非真



者不能密緝屨身預除巨害及遺失事與遺革  
失主報人數以多爲少聞物件改重就輕稍不  
順意則先敲扑其家奴玷辱其閨閫以爲盜出  
本家孽由自作良民忍氣吞聲反欲求諱而不  
可得民以是共知官之深畏盜案養癰流毒更  
何憚而不爲乎合行嚴飭有司務於未事之先  
力行保甲思患預防失事之後立刻申報嚴比  
捕役必求獲盜而後止則盜將遠遁不遑而地  
方寧謐矣且盜案可以徐銷而諱盜叅卽革職  
各宜醒悟毋悔臆臆

一地方盜賊捕役無有不知平時則內結本官外  
通窩主講定季規養盜殃民及獲盜之日則囑



盜妄扳良善登時拿捉私行拷打燒詐滿意而後止又有起搜盜賊而同居鄰近之家乘風席卷者合行嚴禁以後捕役非奉本州縣正印官牌票不許拿人既拿之後卽須解官不許鎖縛自行拷詐其案內牽連婦女捕役亦不得擅行拘出違者處死

一鹽捕名爲巡鹽其於大舫私鹽悉係交通賣放至農民小船出入見有錢米絲布等物在內便駕言夾帶私鹽搬取一空又恐其告發裝鹽一包擲彼船內硬稱現獲號曰生蛋甚至風雨之

際幽僻之鄉遇有客舟行李沉重者無不竟肆



駕言夾帶私鹽攔取一空又恐其告發裝鹽一  
包擲彼船內硬稱現獲號曰生蛋甚至風雨之

際幽僻之鄉遇有客舟行李沉重者無不竟肆  
劫奪合行嚴禁以後各州縣及鹽道衙門捕役  
務要懸帶腰牌牌上開寫年貌居址若無腰牌  
者卽爲白捕許諸人擒拿送官有犯前罪者以  
強盜論斬其捕獲真正私鹽止據現獲人犯究  
審問擬不許株連良民移甲換乙致滋沿詐大  
弊違者官吏捕役俱行叅處不恕

一浙省私鑄在在皆有而海寧海鹽爲甚鵝眼飄  
風破小惡薄兌錢之舖利其價賤爭先販易今  
新奉部行定例私鑄爲首及匠人立斬爲從者



立絞兌換行使之人枷號一月責四十板流徙  
尚陽堡兩鄰不舉枷號一月責四十板徒一年  
該管官不行查拿與犯人同罪其責成該管官  
嚴矣查拿之法惟有禁行使者不許授受小錢  
兌換者不許攙和小錢違者治以新例之罪仍  
將例頒數語刊印幅紙徧示城市村鎮俾得通  
知則私鑄之源絕矣倘闖茸姑息漫不經心

功令炳然同罪之誅寧不畏乎

一關上巡攔遠出數里外見人背負拳握之物如  
尺布寸絲便稱爲漏稅搶奪嚇詐竹木之稅則

入山搜剔將纜經砍斫及起造房屋之料槩勒



一關上巡捕遠出數里外身人背負參茸之物  
尺布寸絲便稱爲漏稅搶奪嚇詐竹木之稅則  
入山搜剔將纜經砍斫及起造房屋之料槩勒  
抽分又有光棍拴構關役於茶笋柴炭出產之  
處設務抽稅名曰白賴皆不法殊甚此等徒飽  
奸腹何嘗完納正稅一文合行嚴禁違者許地  
方被害告發問罪

一畧賣拐帶近日最多有等奸徒以娶妻買妾爲  
名將良家婦女賤價貨去卽刻重價轉賣遠方  
或旗下或至流落烟花此律所謂畧賣也或乘  
夫婦反目不和或瞰家貧難以過活地方光棍  
及媒婆騙去賣至遠方或旗下或烟花從中取



利此律所謂和誘也至有一種妖術密持咒語人卽迷惑拐去童年兒女折割做成殘廢惡疾逼令乞丐按日索錢此等兇慘言之尤堪切齒又聞有開棺盜屍割去頭顱者皆是妖術竊取鍊用地方官宜用心查拿按律究治立寘大法以快人心

一錢塘江往來問渡舟人網利多載以人命爲兒戲雖至擁擠沉重猶招招不止以致有覆溺之禍近聞海寧小門渡亦然又有一種小船名曰楮船窺探孤客攜貲攬至上流空濶之處停舟

橫索尤爲奸惡合行嚴禁嗣後地方官將南北



福近聞海寧小門渡亦然又有一種小船名曰  
楮船窺探孤客攜貨攬至上流空濶之處停舟  
橫索尤爲奸惡合行嚴禁嗣後地方官將南北  
兩岸船隻編定字號將船戶姓名大書印刻船  
傍便於曉識大船止許載三十人小船止許載  
十五人如遇風濤不許開船另設巡攔時加探  
望如有多載踰數者即便扭赴該管官治罪其  
小楮船原非應渡之船立行禁逐不許江頭攬  
載違者立拿處死

嚴剔漕白南糧積弊

爲嚴剔漕弊源流期於徹底澄清以垂良法以拯  
疲民事照得江浙漕運仰給



國儲經費既大叢弊滋多歷來釐剔頗嚴而敷天之  
綸綍竟敢向背殊趨刊榜之規條每以去留易轍總緣  
旗軍驕橫地棍勾連而貪官污吏朘削民膏復授  
之囿而張其幟所以弊已革而旋萌利欲興而卽  
隳言堪指髮思切痛心本都院初到地方曲加體  
訪洞悉情形今示中所列諸弊未必處處相同但  
爾官吏軍民人等披覽之下捫心自省有則速更  
無當加慎其有未盡弊端不在指摘者仍許諸色  
人等據實告發或本都院另有訪聞卽刻叅  
題重處斷不姑徇法在必行毋以身試所有禁條開

列於後

一宮文宮文



人等據實告發或本者院另有言聞自亥亥  
題重處斷不姑徇法在必行毋以身試所有禁條開

列於後

一官收官兌奉

旨通行各屬之有漕運者自當恪遵無異乃每多陽奉  
陰違巧爲影射如禁里長則變其名曰該年禁  
歇家則變其名曰傳催曰里書禁糧長則變其  
名曰看夫更有區甲結頭名色種種不一比較  
則仍責該年出兌則仍憑積歇或用看夫仍與  
運丁講兌說貼私派多端蔑憲違

旨藐法殊甚示後各州縣務先令總書細開花戶某名  
下該漕糧若干白糧若干南糧若干大書告示



粘貼倉門分圖編版令收書數名經管徵收各  
納戶上糧入廩卽日給票歸農至開兌之期止  
許印糧官與糧總收書自交運丁官吏之外如  
有一人擅踰倉場者不論豪矜勢僕立拿處死  
州縣官容庇以悖

旨叅劾提問

一糧總收書責任綦重乃有豪猾巨奸百計鑽謀  
務求必獲或議酌於紳衿公然保薦或通線於  
內署漫委充當纜經上卯已費多金其設心營  
求久已視爲利藪焉肯奉公守法示後各州縣

務於僉點之時苞苴請托一切不行慎選誠實



內署漫委弁當纒經上戶已賣多金其言八管  
求久已視爲利藪焉肯奉公守法示後各州縣  
務於僉點之時苞苴請托一切不行慎選誠實  
小心書吏數名憑公闔拈收糧登記隨將姓名  
自具保任印結詳報本都院存案如總書收書  
駝法悞漕各書按法重處外本官卽連坐

題叅以縱蠹殃民議罪

一各州縣照額編之數徵收漕糧及至交兌完時  
每多虧欠其弊由不肖官吏先計通縣應收米  
若干約得加耗若干將倉收印票結腹心衙役  
串通包頭於僻處設櫃照米價收銀糧戶圖省  
耗贈之費且無守候之苦爭趨如市折者過多



於是踢斛淋尖浮勒愈甚尚不足以補倉中米數而折銀竟自入橐又有蠹役哄誘愚民代爲包納將米載至私室私給收串及侵欺腹飽竟逃匿無踪縣官仍將欠戶追比勒令重完本都院稔悉奸弊嗣後敢有私折私收者或經告發或經訪聞官叅吏處其通同私折私收之民一併治罪

一各帮運丁業有漕截之費行月之糧儘足輓輸不憂匱乏且江南止五米十銀浙江不啻三倍豈容再肆猥狎然亦由州縣因循陋例動指公

費總書指一科十婪貨盈囊旗丁藉此搖唇官



不虞圍之且江南北五之一金江江之管三  
豈容再肆猙獰然亦由州縣因循陋例動指公  
費總書指一科十焚貨盈囊旗丁藉此搖唇官  
吏受其箝制乃抑勒糧戶爲貼費之說朘剥日  
增膏髓俱盡示後管糧各衙門官役務俱洗滌  
肺腸毋仍勒取陋規坐取漁利其州縣官將漕  
截銀兩如數交付運丁不得扣剋抵折至出兌  
之費止許遵照前院議定徵收備用此外不得  
擅加一錢如州縣科派百姓及運丁勒指官吏  
者俱以悖

旨叅劾究處斷不徇縱

一多年積歇根深蒂固高立頂價買賣相沿近且



有旗丁子弟兼充或投獻豪紳包攬爲惡百端  
屢經嚴革名去實存皆緣不肖有司貪圖陋規  
百計姑容當收米之時設立滿廩結狀名色費  
足者廩雖不滿可免推敲費不足者雖已滿廩  
結狀不收必加扑責更借上官名色用一派十  
先將蠅利浸潤本官落其圈套遂代彼徵催勒  
限血比小民變賣完納怨謫載道究竟利之歸  
於官者十之二三歸於胥者十之八九一經發  
覺胥役之性命不足惜而本官身名俱敗羈囚  
對簿子散妻離回思昔之染指者能供幾處閑

錢言之豈不可痛合行禁革取各州縣官先具

並無責款連累人口吉志定三年矣列後



覺有後之性命不足惜而本官身名俱具畢四  
對簿子散妻離回思昔之染指者能供幾處閑  
錢言之豈不可痛合行禁革取各州縣官先具  
並無積歇遵依印結送院存案嗣後如敢仍有  
盤踞肆害者許里民指名首告立拿處死州縣  
官以縱蠹糾叅監兌以失察連坐

一積歇之外另有倉蠹曰奸棍曰學霸旗丁私貼  
官吏橫派爲之作線者全由此輩俗有賣水次  
開天窗之說運船一到便講規例索土儀力任  
作倡爲頭加派愚懦小民不得不亦步亦趨供  
其魚肉此輩分肥飽食鼓掌群酣一次擎頭歲  
歲踞成窩座推陳出新實繁醜類今本都院立



法積歇奸棍則責之州縣官嚴查申報列入訪  
案

題叅照光棍例處斬學霸則責之各學教官先取具  
本學有無倉蠹報文甘結送院仍著該學分派  
門斗於倉場逐日稽查十日一報如別有發覺  
者該教官卽以不職罷黜

一各縣倉斛俱遵照部頒祖斛製造較准頒發如  
有改潤斛口不照造收糧者立行叅究已有嚴  
禁在案乃不肖官蠹於驗發之後暗將斛內四  
圍鏤削寬大作奸漁利小民陰受其害嗣後收

糧之時本都院當不時吊斛查察有仍踵前弊



禁在案乃不肖官臺方馬發之後即非角內四  
圍鏤削寬大作奸漁利小民陰受其害嗣後收  
糧之時本都院當不時吊斛查察有仍踵前弊  
者官卽飛叅役拿杖斃

一民間米色濕潤篩撮颺曬諸耗俱已折入漕截  
項內其納倉漕米止宜平斛徵收乃淋尖踢斛  
順風回斛之陋例違禁浮滿愍不畏死示後敢  
仍有於斛面多浮籽粒斛外擅勒升合者收書  
斛手立斃杖下

一各縣向有看倉筩斛脚夫等項久踞倉場科派  
陋規勒索指詐大爲民害屢行禁革今慎選誠  
實里民取具冊結報充詎積棍牢不可去而官



言書堂  
胥又利在假手浮溢多得耗贈改換名姓捏飾  
搪塞殊爲可恨示後務選誠實里民令充看夫  
斛手納糧之戶量給每石數文以爲工食敢有  
積年倉脚夫仍自盤踞者許糧戶赴院呈控卽  
行嚴拿處死

一修理倉廩脚費撥船等項總在詳議兌費定數  
之內乃蠹役仍分外多派每石有官冊民冊之  
分各縣名色銀數不一公然按籍徵收及撥運  
之時復捉民船裝送威逼船戶有至投河自盡  
者合行禁革已後凡有借修倉名色私派濫拿

民船差使者許糧戶船戶首告拿究



之暇復持民船禁違屋違船戶不三打  
者合行禁革已後凡有借修倉名色私派濫拿

民船差使者許糧戶船戶首告拿究

一百姓納糧到倉積棍收書每借米色爲名露宿  
不收小民有羈遲守候之苦嗣後印官同該糧  
官看驗米色果乾圓潔淨者卽押入倉投納收  
書倉役不得借名停留勒措致遠鄉之民枵腹  
受累其酒飯錢串票錢等弊槩行禁絕違者重  
究

一聞嘉湖二郡印糧官俱差內丁在倉監收巡邏  
糧總收書加意結納肥甘羅列試思此項食用  
從何而來總由拴合一夥加斛面討串錢措詐



小民供其饜饕不但壞亂漕法抑且大玷關防  
嗣後槩行禁止違者以不謹論

一起兌之時運丁綱司擁擠倉口每籍人多闕闕  
以爲需索苛求嗣後遵行掣籤之法州縣官將  
漕糧分貯倉廩設立各倉字號籤貯於筒內運  
官亦將該幫船隻分派每日應兌若干船卽將  
該船運丁領給腰牌輪班進倉掣籤赴各倉受  
兌酌定每日一船限兌米若干石兌足方許繳  
籤繳牌其無腰牌者槩不許入倉擠鬧如有故  
違及停兌需索者監兌官卽以悞漕揭報白糧  
儘米掣兌亦照此法一體遵行毋違取罪



籓總牌其無腰牌者身不計入倉撥開女有故  
違及停兌需索者監兌官卽以悞漕揭報白糧

儘米掣兌亦照此法一體遵行毋違取罪

一行月支剩折色該道詳定於蚕畢之後徵收甚  
爲妥便其米價無論時值貴賤應遵照部定每  
石一兩二錢訪各屬縣有於收糧之時漕運正  
數未足卽閉廩不收指稱支剩名色勒折重價  
又有於正二月血比每石折徵銀一兩六七錢  
收書將此項銀兩盤放重利至蠶畢後方解者  
今本都院已預飭督糧道衙門候漕院兌單一  
出卽將各縣該徵行月糧若干應支剩折色若  
干頒示該縣懸掛通衢各縣照數分派各圖遵



言書堂  
依部價於蠶畢後徵收彙解如有匿示不掛借  
名多截先期勒折重價者官叅吏處

一漕截銀兩係給軍路費康熙十五年奉裁充餉  
編入由單故須傾錠足紋加平投櫃今奉

旨仍給運丁嗣後百姓完漕截銀兩許用塊頭零納不

必傾銷成錠照未裁充餉以前舊例徵收有苛  
勒火耗者究贓定罪

一濫差之害本都院已行嚴禁至漕糧一項向來  
戶糧房婪得買差規費故將漕白南糧分爲數  
差又有漕截差雜費差正差貼差牌票入手乘

船率衆未說完公先勒差費每石五六分不等



戶糧房李得買去劫重買故米酒白米粉久無數  
差又有漕截差雜費差止差貼差牌票入于乘  
船率衆未說完公先勒差費每石五六分不等  
此差方去彼差接踵原差之外復有飛差酒飯  
船錢多至數金稍不遂意毀門鎖項勾婦女辱  
生儒官倉籽粒未入小民已至破家自後凡完  
糧之民已經開倉上納不許濫差倘有山僻遠  
鄉逾期未至者每畝止許一差無論南白漕糧  
總開入一單催攝如將已經上糧之戶一槩出  
差及各項各差多分名色者許糧里指名首告  
出票經承及承催蠹役立拿處死

一白糧例用細密麻布縫整牢固寬大口袋盛貯



以防沿途盤駁此須聽民自備况包索一項原已派入經費之內近聞地方積棍糾合外路賣袋奸牙用墨印私記袋上拴搆運丁非此不受勒取重價又額外多索空袋名曰貼袋每石勒銀三四分不等又船夫食米如漕糧行月一例應受糙米近聞運丁領兌槩索椿白袋貯尤屬恣橫嗣後槩行禁絕違者積棍奸牙運丁提拿立斃不恕

一南糧向例隨漕徵納因兵興之際奉文預撮撥作省兵月糧今四海蕩平各欸以漸復舊但此

項乃兵丁計口授食之需不能枵腹待至冬底



項乃兵丁計口授食之需不能枵腹待至冬底  
故往例難以驟復其徵比之法及一切弊規合  
先禁飭查正二月間民間尚有餘米應設法勸  
諭多徵一二月之糧至蠶農之際少緩其徵今  
各邑蠹胥於春二月間故行緩比至蠶忙農事  
之際正三空五盡之時乃聳官嚴比小民無從  
買米只得揭借變產折銀代米蠹役乘機勒指  
每石折銀一兩六七錢不等比時值不啻兩倍  
民命何堪此後州縣官於正二月內農隙之時  
勸諭里民先完春夏之米農時乏月不得苛徵



亦不許勒令折色違者一經告發立拿重處

一南糧原有詳定耗贈是各項浮費俱已在內邇  
乃額外培剋斛淋尖每石浮滿四五升不等  
又勒袋錢四五分差錢八九分斛手錢書手串  
票錢脚夫錢各二三分不等正米一石雜費倍  
之此後有於定數之外再敢淋尖浮蓋及設立  
各項名色科派勒索者許被害人指名控院拿  
究

嚴剔地丁積弊

爲嚴飭催科之法釐積弊以甦民困事照得民生

利病莫大乎賦役有司賢否卽辨於催科乃



爲嚴飭催科之法釐積弊以甦民困事照得民生

利病莫大乎賦役有司賢否卽辨於催科乃

朝廷之功令上司之告誡非不深切著明而法立滋奸

文多益玩橫徵私歛火熱水深本都院素有訪聞  
亟宜搜剔今將正雜錢糧催徵起解一切害民之  
政害民之人揭數大端嚴行禁革以爲嚆矢各屬  
有司務須細心體會實力奉行倘有故違必無徇  
縱慎之慎之

一滾單之法落甲催徵極爲民便前院飭行已久  
乃州縣官畏勞就逸陽奉陰違仍比里長以十  
甲之拖欠荒逃耑累一人受責而且值月供應



送禮解糧採買修造諸費無不於里長苛取經  
承坐畝催押保歇諸役無不於里長需索每田  
一畝有費至一二兩不止者民何以堪殊不知  
以一人承十甲之事則雜辦雖易取盈正項遂  
致遲悞以十甲完十甲之糧則頑戶無可推卸  
衆姓兢效輸將而所省差歇之費可抵正供大  
半各官卽不爲百姓身家計獨不爲自己考成  
計乎自今州縣務力遵滾單良法以數多者爲  
單頭鱗次挨比欠者應卯完者歸農並不許別  
立該年柱首等項名色偏枯累民倘有徇於積

蠹之搖惑衿棍之把持仍不竭力奉行者訪實



立該年柱首等項名色偏枯累民倘有徇於積  
蠹之搖惑衿棍之把持仍不竭力奉行者訪實  
卽刻飛章叅處其有另立滾書名色朦混完欠  
操縱作弊者并叅不恕

一徵收錢糧應照部頒法馬令民自封投櫃乃不  
肖有司私置重等加取火耗每指稱解司收兌  
之重及各衙門使費之繁以爲口實上下相蒙  
狼狽作奸已成積習自後州縣徵收俱照部法  
准收准解若果司收重兌各衙門勒費許其據  
實密封詳報本都院卽以此覘紀風力列入薦  
剡倘怙終不悛仍有於額外另加分毫甘心代



人科歛者官立

題叅吏拿重處

一自封投櫃立法最善不意櫃書置身事外更易作奸遂有以少換多以色易紋之弊迨拆封之時以短少青微拘民補兌硃簽風發虎後雷奔百姓驚心喪魄典賣供差及至銷簽銷號入之官者不過分錢而費於民者已不啻數兩究竟原銀之果少果低無從質認可爲痛心髮指嗣後僉點櫃書登記流水須選老誠殷實之人仍不時覺察以防盜換卽有短少青微必須開單

曉諭俟下卯比期發銀親驗照數補足如所缺



不時覺察以防盜換卽有短少青微必須開單  
曉諭俟下卯比期發銀親驗照數補足如所缺  
不多聽以制錢投補倘有妄差輕捉多勒虐民  
者許被害告發櫃書差役立拿重處縣官以贓  
論指叅

一條銀解司原於臨時傾成元寶大錠至百姓投  
櫃之時止取足色真紋不論錠件俱可完納今  
訪各屬蠹書拴搆奸匠務要傾錠烙印櫃書非  
此不收而各匠又併聚一處止設一爐壘斷把  
持以紋爲色指高爲低任其銷折每兩或數分  
或錢許不等且額外勒索火錢印錢當輪比之



日乘急要求小民受盡荼毒吞聲飲泣莫可誰  
何嗣後徵收錢糧惟將青徽細碎之銀任投匠  
鋪下火傾銷其餘足色紋銀成錠成塊者一槩  
收納敢有櫃書銀匠仍前串通勒索者立拿重  
處并究容隱之官

一錢糧官收官解定例已久今訪得浙屬解司錢  
糧俱發里長傾銷或攙和低潮或短少天平每  
元寶一錠里長約賠費六七兩不等傾銷之後  
又押起解鄉民憚於跋跣拖累每銀一千甘貼  
解費十餘兩不等其中又有猾里豪衿求情乞

免傾解謂之討主將所免之費復加派別里名



又扣起解銀且恒方出且扣起解銀  
解費十餘兩不等其中又有猾里豪衿求情乞

免傾解謂之討主將所免之費復加派別里名下賣甲差乙貼害無窮天理王章幾於滅絕以後如有此等害民不遵官解者立刻指叅斷不少徇

一州縣豪棍劣衿積充歇家或一人而包定一里或一人而總包數里結連官吏遇事倡首借一科十朋蠹分肥最爲民害此後州縣力行滾單各將保歇里書看夫等名槩行禁革再有愍不畏死仍前包攬者不時查報以憑立拿斃於杖下不報者以徇庇糾叅又有省城歇家包攬各



屬錢糧串同司役開銷使費耽延勒措使費不足甚至侵蝕正項一切缺兌卧批之害皆由此出除另行藩司嚴查解究外本都院仍當一面訪拿以靖弊源

一地丁錢糧種種弊竇皆由於積年戶書盤踞衙門各佔畧分名曰管總科派伸縮皆出其手而里書之作弊尤甚每於造冊時先將富民錢糧侵收入己隨於各戶田地下飛灑分釐積少成多遂其谿壑更或擇愚懦之戶妄栽多糧累其比責或捏立詭名輾轉影射終年拖欠累官害

民罪不勝誅嗣後各屬戶總里書俱著地方保



多遂其窳容更可指愚惰之戶其...  
比責或捏立詭名輾轉影射終年拖欠累官害  
民罪不勝誅嗣後各屬戶總里書俱著地方保  
舉殷實農民熟於書算者僉充不許積蠹本身  
及子弟依前盤踞違者以不職特糾

一由單名曰易知須將條銀漕米每畝應納若干  
細數開註明白逐戶頒行今書役作弊隱匿部  
頒改造小單有總無撒愚惑鄉民又科派刻單  
之費每里數兩不等嗣後各州縣將奉部核定  
由單於開徵時逐戶給發令民照數完納敢再  
有隱匿改造及多派刻費者許里民告發官叅  
吏究



一錢糧於條銀之外有課鈔匠班門攤烟酒契當牛馬等項雜稅各屬俱不遵照全書定額濫徵勒耗一倍數倍且任經承私收花用及當起解之時盡歸烏有有司恐累考成至勒各戶重納百姓吞聲莫可控訴嗣後一應雜稅俱照正項設櫃徵收完者給與印票不得假手胥役仍前額外多徵加耗違者叅究

一撫字催科原可並行不悖比糧之戶皆鄉里良民專藉筋力春耕秋耨今有司擅用孫頭大板動則數十痛責傷殘耕耨無人錢糧何自而辦

又有一月之內比至五卯六卯者俾遠鄉之人



民專藉筋力春耕秋耕今有司擅用犴豆大木  
動則數十痛責傷殘耕耨無人錢糧何自而辦

又有一月之內比至五卯六卯者俾遠鄉之人  
奔命不遑豈暇逐戶催徵且設措些微亦止足  
供僱倩杖錢之費如此催科但爲衙役作生涯  
於國課何濟嗣後各縣比期一月止許三卯刑  
杖照部式小板量加懲責本都院體訪頗密循  
良嚴酷舉劾攸分勿謂蚩蚩任供敲扑

一官員供給亦旣設有俸薪迎送餽遺尤屬

功令嚴禁乃各縣派有值月里長承值內衙每里徵

銀二三十兩不等又有供應過往官兵河下買  
辦大禮小禮等名色每里徵銀二三十兩不等



更有不肖縣官將供應買辦諸費令里長包貼入己名曰官包及有差使仍累小民喪心無耻尤可駭異此等陋規再敢踵行叅拿照贓論罪一紳衿戶役應量加優卹但包田濫免致累畝內窮民則非賢士大夫所爲已後鄉紳照宦戶加徵原額優免其衿戶果有本身實田量免差徭數十畝如有分外包攬及討主免差偏累無告鄉民者該縣申究不貸

讀書堂綵衣全集卷四十三止

讀書堂綵衣全集



讀書堂綵衣全集卷四十三止

讀書堂綵衣全集

史岱校

河陽趙士麟玉峰父著

受業汪光被輯

男宸黼編

卷四十四

撫浙條約下

二十八則



詩書堂



撫浙條約  
下

卷三



撫浙條約下

禁差

照得衙蠹害民甚於狼虎昔云官府一點硃民間  
一點血甚言差役之害也大約此輩皆市井無賴  
一票入手便是生涯承牌者有正差有副差有接  
差之差有提差之差有坐差之差漕糧地丁南糧  
以及提比事件雜派差徭差更多而擾更甚害民  
流毒慘不可言總由貪殘庸懦之官視蠹爲親視  
民爲讐或委以腹心或資爲牙爪以致奸書蠹役  
賣票營差豈知本官最得用之人卽是萬姓含怨



之人乎間有廉明者亦謂錢糧事件有差得以早  
完不知皆因平日因循玩愒闖茸所致及至臨時  
緊急方四道並出司道下府府下州縣咆哮公庭  
窘辱長吏鎖拿經承鞭撻里胥索夫船贖酒食呼  
盧擁妓遊湖遊山任情以播惡橐滿乃飽颺究竟  
公事未完仍執空文回覆無裨吏治有礙官箴徒  
飽虎狼之腹開科派之端貽功名之累不小今本  
都院與各屬約本都院誓不差一人下司道設立  
風火雷三牌分限嚴催三牌不至扣限已滿徑行  
題叅該司道亦不許差一人下府府亦不許差一人

下州縣照本都院三催之法三催不結即將該管



風火雷三牌分限屬催三牌不至打限已清行  
題叅該司道亦不許差一人下府府亦不許差一人

下州縣照本都院三催之法三催不結即將該管  
官揭叅至州縣除人命強盜重情外其餘戶婚田  
土一應細事止許令原告自拘到官虛公一斷大  
事化爲小事小事化爲無事不可耐威橫遣以飽  
奸腹至催徵錢糧併不許差遣以及取甘結等項  
信牌挨村儘可傳示百姓省此差費即可當正供  
大半未有不環應而立至者誠能動物特俗吏未  
之知耳能力行者卽以此別官之貪廉臧否違者  
許百姓奪票擒差赴告官叅蠹懲決不少貸特示

### 飭鹽捕



竊照私鹽充斥引課有妨故令捕役巡拿務期禁戢梟販疏通正引豈不法捕快借名巡緝肆行詐害遇有大夥私販則交通受賄任其船裝興運其農民小船出入見有錢米絲布等物在內便駕言船帶私鹽搬取一空又恐事發反裝鹽一包拋彼船內硬稱現獲使其折辯無所其法號曰生蛋甚至風雨之夕幽僻之鄉張旗列械名爲巡緝遇有客舟行李沉重者無不搬劫緣此輩借巡鹽爲護身符反難查究本都院訪聞最悉除另行拿究外合行出示嚴禁爲此

云

如果有大夥私鹽許該

捕嚴緝巡拿不得賄縱其肩挑手提食鹽與貧難



身符反難查究本者院言聞最悉院另行拿究外  
合行出示嚴禁爲此云如果有大夥私鹽許該

捕嚴緝巡拿不得賄縱其肩挑手提食鹽與貧難  
易米覓食者槩不許混拿索詐其各廳縣巡鹽捕  
役俱懸帶本都院檄行運司所給腰牌牌上寫年  
貌住址方許巡緝若無此牌駕船巡行者卽爲白  
捕所到之處許諸人擒拿送官以真正劫盜論卽  
有腰牌捕役敢借巡肆橫沿途搜看捏賊劫詐擾  
害者與盜何異該地方協同擒拿解院以憑盡法  
處死決不輕貸

### 嚴誣告

照得刁訟之風天下皆有而浙中爲尤甚良善之



民安分守法卽偶受人欺騙類多隱忍其呼號而  
來捏虛以逞者盡屬奸民微疵小隙視同不共之  
仇口角鼠牙駕作瀰天之浪緣有積蠹遇事風生  
從中唆鬪訟師以無作有羅織成文使見之者心  
驚聞之者髮指裝點多端惟圖一准一准之後便  
自恃上司原告鴟張得意莫敢誰何至承問官鞫  
時另遞投詞或添出情節增入人名或原詞荒大  
改易瑣事又或被人告准下屬未審徑奔憲轅希  
圖從上歸結壓倒司道府縣更或事非鹽法而冒  
稱商竈帶入鹽梟字樣越聳鹽院又或匿名捏害

冒籍出告隔府關提拖累平民及本人躲避不出



圖後上皇紆屢僅言違府舉身且至鹽池而  
稱商竈帶入鹽梟字樣越聳鹽院又或匿名捏害

昌籍出告隔府關提拖累平民及本人躲避不出  
自有人包告包准者種種惡習不堪枚舉及至批  
行審駁票拘差鎖貧者典婦供差鬻兒作費追究  
其情不過絲粟小怨忿詬微嫌卽審虛昭雪而被  
害之人身家早破奸徒之快心已久良民之慘痛  
已深皆由反坐不嚴以致於此合行禁飭爲此  
云除戶婚田土一切小事當赴各地方有司衙門  
告理外其有豪強吞噬蠹惡傷殘真正人命大盜  
大冤及貪婪等項方許赴本都院轅門告理務須  
一字不虛言言可質并照本都院所頒狀式書代



書保歇姓名住址不許牽累多人干連婦女倘片  
詞鑿空定行加等反坐本都院執法如山斷不恕  
饒爾等各宜三思可已則已萬勿輕舉一時貽累  
後日至於公呈公狀十百成群更多假公濟私承  
問各官字字俱照所批原詞審理一字不許輕輕  
放過更不許再收投詞聽其節外生枝其刁唆扛  
棍舞文代書一併嚴查究治

革積歇

竊照植嘉穀者務去苞稂禦疾癘者先驅魑魅本  
都院訪聞浙省各屬蠱官蠹民多由歇家爲害在

省城則有各縣之歇在州縣則有各里之歇省城

歇家以可包充錢糧爲首多係同道守憲責重道重



竊照植嘉穀者務去苞稂禦疾癘者先驅魃鬼本  
都院訪聞浙省各屬蠱官蠹民多由歇家爲害在

省城則有各縣之歇在州縣則有各里之歇省城  
歇家以包兌錢糧爲事多係司道府廳積蠹通同  
司庫講合使費重贈烹肥甚則侵批解之正數累  
有司之考成州縣歇家以包充里役爲事盡係積  
棍并貢監劣衿豪紳家僕局控私派倡議捐輸餘  
則指工食之年規吸鄉愚之膏血尤可惡者衙門  
旣熟諸事關通聯書役爲腹心媚官府爲牙爪餽  
遺賄賂顛倒刑名外則起滅詞訟武斷刁唆上則  
交結旗營線逃保債本都院轅門及大小衙門日  
告謊狀何一非積歇兜攬唆指爲之種種奸慝何



殊攫畫之穿窬處處效尤竟作傳家之衣鉢雖經  
陸續訪拿仍期掃除務盡爲此云前項積歇巨  
憇如本都院示革後卽能潛踪屏跡改業謀生者  
姑准自新倘仍前不遵依舊攬歇橫行出入各屬  
衙門干預一切公事許諸色人等指名控告以憑  
立拿照光棍例究處斷不輕縱凜之母忽

### 禁當官

爲嚴禁當官票取之弊以砥廉隅以恤市民事照  
得居官義嚴取與古稱投錢留犢之風買辦價務  
公平律載低勒遲還之禁本都院自蒞任以來凡

衙署內什物器皿悉係照估給貲日用蔬菜米鹽  
無不現銀發買期於端表率屬黎民更民乃聞各



得居官義嚴取與古稱投錢留犢之風買物價承  
公平律載低勒遲還之禁本都院自蒞任以來凡  
衙署內什物器皿悉係照估給貲日用蔬菜米鹽  
無不現銀發買期於端表率屬潔已便民乃聞各  
屬多因循陋習擅設當官之名私行值月之例硃  
筆淋漓疊票恣取不卽給價無論山珍海錯令若  
雷霆候至累月經年門如市鬼及幸擲些微之值  
仍迭饗扣剋之奸以致揭本之店頓作枯魚負販  
之傭俱防市虎流弊如此自問奚安合行飭禁爲  
此云嗣後先當澄清衙舍減省庖厨毋以百姓  
脂膏而徒豢閒賓冗僕毋以一囊薪俸而漫思何  
饌郇厨至於一切貨物俱發價現買勿蹈前轍有



玷官箴卽祭祀宴會係會典全書所載各有項欵俱准開銷亦不得預取民間故濡支領示後敢仍違犯者許諸色人等赴轅門抱牌控告并指差役姓名以憑

題叅拿究不貸

禁買柴炭

爲特飭發價採買柴炭之陋習以肅官常以除民害事照得律禁交通屬吏餽遺卽係苞苴直法嚴求索部民強買便同枉法本都院蒞任以來訪得嚴州一府田少山多出產柴炭小民儉於稼穡藉此

完糧贍口原非委棄剩餘之物乃省城各司道衙門封價僉役執票齋文勒令係官代爲採買



索部民強買便同枉法本都院蒞任以來訪得屬  
州一府田少山多出產柴炭小民儉於稼穡藉此  
完糧贍口原非委棄剩餘之物乃省城各司道衙  
門封價僉役執票齋文勒令縣官代爲採買該縣  
亦卽媵媵穀觶奔命不遑原銀虔虔高閣飛差四  
出河干遇有民間貿易柴炭卽便加貼官封交付  
埠頭擲酌半價而且有低潮之攙和埠頭之扣剋  
兼以重秤交收十加四五打算通盤幾成徒手一  
人忍氣吞聲舉室兒啼婦怨凡有人心者所不忍  
見聞也及數旣取盈捉船裝送篙工舵媪獸竄鳥  
驚解役挽夫風餐露宿投批文則有守候之艱求  
點收則有常例之勒原封未動津貼多端去此彼



言言堂  
來日不暇給而縣官之苦亦有不可勝言者矣其  
弊全由於上司貪殘借題賤剥以致防營閒署並  
起效尤司吏道承俱希膏潤而民間之槁木死灰  
遂爲地方之禍根毒熾不有重法嚴懲將來波靡  
何底爲此云嗣後如有上司官府仍前發價採  
買者卽將差來官役立刻擒拿拘禁密封詳報本  
都院以憑特疏指叅照貪例論罪倘容隱不舉甘  
心獻媚別經訪聞則與受同科并叅勿縱各宜警  
悟毋蹈噬臍

飭本衙門員役

照得安民察吏表正宜先剔弊釐奸法行自近本  
部完方爾本衙門吏書月之看王者子之其六



悟毋蹈嚙臍

飭本衙門員役

照得安民察吏表正宜先剔弊釐奸法行自近本  
都院訪聞本衙門吏書門子隨征儲將戎旗承差  
舍人旗牌等役每遇下班回家守法者少肆惡者  
多船旗堂帖大書都院官銜持炬夜行僭擬本院  
燈號填門車馬徧結知交徹夜笙歌廣延賓客甚  
且立錐無產包戶役以免差徭投刺有司說人情  
而干詞訟或橫行無忌強佔各埠之經營或指騙  
招搖閃爍內衙之耳目凡諸惡狀枚舉難窮本都  
院情偽稔知澄清自矢久稟於飲水茹蘗豈容此  
社鼠城狐爲此牌仰該府照牌事理卽將開發住



言書堂  
九  
址姓名轉行各屬時加稽察如有本衙門下班人  
役在於地方干犯前項不法事者立即據實密封  
揭報以憑嚴拿按法重究倘容隱不舉經本都院  
親自訪聞該府縣亦干扶同未便先具遵依申報  
慎之毋違

### 禁鬪毆

為嚴禁結黨私鬪以保民生以省刑獄事照得民  
間戶婚田土諸事彼此不無爭論但是非自有公  
評曲直須憑官斷豈爾愚民不知法紀遇有些微  
嫌怨輒便蟻鬪蜂爭邀聘教師僱覓打手呼朋引

類互逞雄鋒親友無從解紛地方不能攔阻以致  
害命傷人則下手兇走立真交氏元稟上受各是



評曲直須憑官斷豈爾愚民不知法網遇有些微  
嫌怨輒便蟻鬪蜂爭邀聘教師僱覓打手呼朋引  
類互逞雄鋒親友無從解紛地方不能攔阻以致  
害命傷人則下手兇徒立填絞抵元謀共毆各擬  
軍流且無辜鄰証并受干連拖累之殃卽原告屍  
親亦擔聽候奔波之苦連年不決兩敗俱傷追悔  
所由噬臍何及本都院訪聞旣悉深用痛心除拳  
棒教師打手惡少另檄查拿外合先示禁爲此云  
云嗣後務要存心退讓處事實和不得輕構爭端  
設有不平徐俟經官申理毋快旦夕之私自投繯  
繼勿競刀錐之末并覆身家俗云動手三分低爾  
民所知也輕易傷人卽萬分有理到衙門先占下



風又爾民所知也閩閩場中此拳彼脚盡不知名  
姓之人及打傷斃命則定坐首事一人身上亦爾  
民所知也此後若不聽本都院訓飭敢有仍前挾  
仇結黨攔街截毆者該地方里甲即便協同擒送  
到官不論理曲直先照光棍例問擬治罪如地方  
人坐視傍觀致傷人命及兇犯縱逸無獲事發一  
體查究坐以知有謀害不阻當救護之條法在必  
行毋得泄視自取重戾

### 禁打手

爲嚴禁習尚拳勇以靖囂凌事照得敦親修睦斯

稱仁里休風忍辱服勞方號承家令器豈爾杭城  
有等不營生業遊食爾爾之輩身事三三三三三



禁打手

爲嚴禁習尚拳勇以靖囂凌事照得敦親修睦斯稱仁里休風忍辱服勞方號承家令器豈爾杭城有等不營生業遊食趁閒之輩專逞耍拳使棒名爲打手教師引誘良家子弟轉相學習結黨成群見事鴟張沿街虎踞甚至受他人之僱倩代爲洩忿報仇抑且入豪右之牢籠甘作飛鷹走狗種種流毒久在訪聞合卽查拿姑先飭禁爲此云云如云云有前項拳棒打手在於地方除已往不究外嗣後倘仍蹈故轍攪擾生事許卽公呈舉首以憑立提照光棍新例治罪其有延請教師在家學習者兩鄰亦卽舉首同居父兄并拿究處容隱之人連坐



言書堂  
重懲不貸法在必行慎勿泄視

觀風

爲觀風事照得本都院生長滇荒去海內萬里而  
遙於學無窺而私心竊好期與爾多士日夕質疑  
就正其本志也然膺茲艱鉅不得不以簿書爲急  
就茲下車之始本都院例得觀風姑先封題分試  
如面請益夫論文於近日求其稍砥頽波者未數  
數見總以習氣太重拔脫爲難探奇好古之士失  
之過高掠陳趨靡之流失之甚鄙但能一字一句  
流自胸中自毅然而變煥然而新故欲復古道先

洗時蹊欲式經雅必究原本此本都院甘苦自得  
之語問余老馬或自可而爲此甲乙亥子



之過高拔陳越摩之流先之甚置位能一守一會  
流自胸中自毅然而變煥然而新故欲復古道先  
洗時蹊欲式經雅必究原本此本都院甘苦自得  
之語問途老馬或有可師爲此牌仰該府卽便轉  
行州縣集諸生於公所將所封題目靜而試之務  
盡一日之長母爲蹈襲母爲龐襍母爲庸腐爾府  
州縣官試畢卽將原卷封固限次日一併彙解前  
來聽本都院親閱擯錄所錄有優通卓越者近者  
卽行嚴覆遠者於七月臨場時另期示覆以別真  
僞倘所覆文理筆蹟與所錄不符此僱倩代筆之  
弊也自誑誑人有士如此何以立身黌序定行究  
革至貢監諸生及各童生果揣摩有素惠然肯來



言書堂  
三  
者該有司亦一同收解其杭郡三學定於本月某  
日齊集府學候本都院親試所有供給等項本都  
院另示通知毋忽

### 逐流娼

爲飭逐流娼士妓肅紀維風事照得人情喜蕩見  
異多遷女色興戎藏奸莫辨向有不法龜奴畧買  
良家婦女逼令倚門獻笑輕狂子弟墮入其中鮮  
不破產傷生遊客經商或致飄零流落尤可恨者  
辱人賤行穢見污聞若令與吾民同閨而居比屋  
而處豈不敗君欽廉耻之防何以作閨幃貞節之

勸甚則來歷不明之人槩留宿寓遂致驚疑叵測  
之事並出淵叢至於勾集真偽段或三憂之玄



辱人賤行穢見河間若令與吾民同聞而居上屋  
而處豈不敗裙釵廉耻之防何以作閨幃貞節之  
勸甚則來歷不明之人槩留宿寓遂致驚疑叵測  
之事並出淵叢至於勾集旗兵假威生擾尤滋眉  
睫之害宜搜城社之根爲此牌仰該府州縣卽行  
出示曉諭所屬一應流娼土妓著地方挨查限文  
到某日盡行驅逐不許容留住歇敢有違玩不遵  
者卽將保甲鄰佑房主人等一併究罪不貸取具  
遵依報查毋違

### 埋骨

竊照仁政不遺澤枯死者安於歸土昨本都院偶  
出輒見城壩郊坂到處屍棺暴露詢之皆係流寓



羈魂或無主而竟成拋棄或因貧而乏費搬移亦有土著之人家計蕭條苦無墓田可葬者以致縱橫朽落風雨飄搖觸目刺心深堪憫惻又聞浙西習俗將骸骨焚燬用布袋盛貯懸掛橋梁之下舟楫往來千人屬目更爲殘忍合行查議爲此牌仰該府縣卽查暴露屍棺如有喪主可搬有墳塋可歸者通限兩月內各令營葬其異鄉流落土著委頓之柩查有境內空閒官地卽當置爲義塚各代掩埋仍立標記以便識認或無官地可置而有民地願售者議定價值詳請本都院給銀置買其橋

梁懸掛骨殖著各地方總甲亦一一移厝義塚嗣後不許乃襲惡俗立別舉行真刀以



掩埋仍立標記以便論認或無官地可置而有良地願售者議定價值詳請本都院給銀置買其橋梁懸掛骨殖著各地方總甲亦一一移厝義塚嗣後不許仍襲惡俗立刻舉行慎勿以迂緩膜置

### 飭牙行

爲瀝陳公私交困之由懇賜禁示以除積弊以解倒懸事據直省各府州縣商人具呈前事照得商旅在數千百里之外遠出鄉井背棄妻孥秋霜夏日無時休息又且身犯波濤心驚盜賊只圖蠅頭可覓無如狡獪牙行星羅碁布或係官勢或緣武衿或恃結納於旌營或藉聲援於衙役視耽耽而欲逐逐沿途接貨勢同搶劫執盤打算賺貨肥囊



甚至席捲兔脫客去重來又或那東掩西張冠李  
戴及水落石出血本化爲烏有可憐異鄉孤客進  
退兩難吞聲飲恨或淹爲乞丐流離或因而輾轉  
溝壑種種苦情無門可訴卽有一二不甘吞噬控  
鳴府縣告理非爲情面註銷卽置終歲不結幸而  
執法追比則又將敝衣破物抵死搪塞十不得一  
以致商賈視爲畏途合行出示嚴禁爲此牌仰該  
府查照來文并單開各條轉行所屬遍示城鄉鎮  
店曉諭各牙行嗣後務當凜守禁約信實通商敦  
誠待客期約無逾時日授受不爽分毫使遠人慕  
義客至如歸是卽爲爾衣食之源何必用此奸狡  
之術敢有藐法故違許商人指名控告該管守



店曉諭各牙行嚴移務當守守禁絕信實近而  
誠待客期約無逾時日授受不爽分毫使遠人慕  
義客至如歸是卽爲爾衣食之源何必用此奸狡  
之術敢有藐法故違許商人指名控告該管府州  
縣官卽爲按法究處追償貨本毋致有徇情賄延  
准折捩抵等弊本都院仍不時訪拿照光棍例治  
罪倘該管官視爲具文任其橫行一經訪聞告發  
該府縣亦于未便取具各遵依報查毋違

### 飭關役

爲嚴禁關役違例橫索以便商民事照得商貨過  
關稅銀自有定額不容額外多取向聞積奸關壘  
朦朧悖例於不應抽稅之處差役四出擾害更有



家丁內使分踞關務串通巡攔凡行人一器一物  
小民斤綿丈布亦逼令其上稅稍有違拂卽稱漏  
稅任意加倍罰取使稅銀什倍於本貨之價以致  
飲泣吞聲怨讟載道其過客攜帶囊篋不過隨身  
衣服零星物件亦必搜檢傾翻乘機攫取或內有  
銀錢露目因遭盜劫以致商民多有枉道趨避擾  
民悞課蠹害莫甚本都院訪聞最確本應拿究茲  
蒞任伊始姑先出示嚴禁爲此云嗣後如有大  
販客商經過令其照額輸課不得額外多索其行  
人手執囊携零星物件及無貨民船任其往來不

許強令納稅故意阻滯敢有仍前差丁坐守關務

司巡關黃丁與僉功等畏避干益



則客商經過令其具名轉送不得客商久多受其行  
人手執囊携零星物件及無貨民船任其往來不  
許強令納稅故意阻滯敢有仍前差丁坐守關務  
同巡攔橫行搜檢勒詐銀錢并濫差四出擾害者  
除另行嚴拿外仍許被害人將丁役扭赴本都院  
軍前以憑按法重究決不姑貸凜之母忽

### 飭門兵

爲申飭守城官兵以肅法紀以便行旅事照得省  
城各門撥兵防守晨昏啟閉出入稽查所以詰奸  
宄而衛人民也聞有不法兵丁借端生事凡遇肩  
挑步擔之物恣行抽取負囊乘輿之人勒索銀錢  
甚至婦女往來則逼其褰簾露面徒步過門迎婚



喪葬之家則多方阻措非賂以重貲斷不輕易放  
過倚禁門爲攫貨之藪借盤詰爲逞暴之圖衛民  
而反以害民大干法紀已經前院將軍禁飭在案  
誠恐日久法弛本都院蒞任伊始合再申禁爲此  
云嗣後守門兵丁須稟遵法紀往來商賈不得  
云抽取一物出入乘輿不得勒索一錢敢有玩法不  
遵仍蹈前轍者許被害之人赴本都院軍前據實  
喊稟以憑鎖拿係綠旗官兵卽盡法重懲係駐防  
旗丁卽帶赴公衙門究審斷不姑貸

禁優戲

照得浙省災荒之後民困未蘇凡一切無益之費  
樂宜節省豈習谷自沽不盡



旌丁卽帶赴八公衙門究審豈不如實

### 禁優戲

照得浙省災荒之後民困未蘇凡一切無益之費  
槩宜節省豈習俗相沿奢華競尚民家宴會輒用  
戲劇徒知酣歌恒舞足供一夕之歡不惜剪燭傾  
樽已費中人之產更有無籍游民不事生業每於  
城市鄉村科歛民財恣搬傀儡以致環堵聚觀男  
女混襍姦盜邪淫從茲而起甚者拈頭射利遂開  
賭博之場角口爭強因構官司之釁種種禍胎殊  
堪髮指合亟嚴行禁飭爲此云所屬士民不得  
仍蹈前轍媚客費財假神生事如有不遵輒犯嚴  
禁者兩鄰保甲指名呈稟及搭臺演戲者該地方



官不時察拿究治毋視具文倘經訪聞並處不貸  
文到取具遵依報查毋違

附 捐賠營債第一咨

爲旗兵契券難憑百姓罄償無力謹酌捐賠之法  
以息紛訟之端事照得杭城百萬生靈五方雜處  
濟濟攘攘夙稱饒庶要皆揭貨買販朝謀夕食外  
成簇錦之形實少中人之產卽當日營債一事緯  
頭線棍片語遊揚而借者競趨如鶩便可覘其窘  
狀矣十餘年來各旗官兵駐防地方兵民交與初  
甚相安不意自放債之後旗丁見利心粗恣行盤

剝佔店拆房擁妻劫女種種不堪以致釀成大獄

干賣



狀矣十餘年來各旗官兵馬防地方兵民交與甚甚相安不意自放債之後旗丁見利心粗恣行盤

剥佔店拆房擁妻劫女種種不堪以致釀成大獄  
干賣

**宸聰**特嚴首惡之誅并責鈴束之懈各兵驕貪激禍貽玷麾壇前車之鑒可爲寒心今猶執新舊各券哓哓不已其論似直殊不知算債全憑券約而各兵之券皆屬轉票移舊翻新票前之利已多票內之本仍在未可據此以爲確驗也若使執現在之票按戶而取則兩載因訟耽延時日愈久本利倍加欠債之民率多肩挑步擔雖粉骨碎身不能清償將逃亡竄徙搶地呼天之象有不止於昔日者矣



本都院再四思維民爲

朝廷赤子固所當矜而戎伍有防衛之勞亦宜加恤念

其握票在手詎肯甘心且其中亦或有償未足本  
者但索取之橫不休則無窮之害立見本都院藉  
先人餘蔭薄有貲產再多方挪貸可以量措五千  
金而貴將軍都統統兵蒞民仁慈素著亦祈俯徇  
鄙見量捐如數共成萬金傳諭各旗除二十一年  
以前票約年遠更甚者不在送驗外其餘槩令呈  
送將軍都統案前驗其數之多寡儘此照分俵給  
擲還原票在各兵應仰體上人捐賠之意不得復  
想求多此後再不許盤放不許索取違者重懲如  
此了局所全甚大而小民寢息不驚或須將軍部



邊將軍者統率前馬其妻之多寡何止累年久矣  
擲還原票在各兵應仰體上人捐賠之意不得復  
想求多此後再不許盤放不許索取違者重懲如  
此了局所全甚大而小民寢息不驚咸頌將軍都  
統之德百世不忘矣事關安輯兵民要著想當卽  
邀俯允合行咨請

## 第二咨

爲照本都院下車之始因會同貴將軍都統公衙  
門會審見欠債到官之張雲卿錢順甫併被逼在  
折妻女之錢大功一係豆腐生理一係水菜生理  
一係窮迫潛逃其鳩形鵠面之狀惟行乞之兒溝  
中之殍可以比之絕無人象傷心慘目不忍見聞



言書堂  
以此責償粉骨莫措一二人如此人人可知是以  
本都院委曲思維不惜破產代民捐賠且懇慨捐  
協助永斷葛藤以安窮民且卹介士誠屬美舉有  
何律例可拘至於年遠之債皆係疊利轉票所償  
悉已數倍雖有契券完欠難憑杭民皆知追餘利  
給主之

旨含忍未言今仍責追遠年小民誰肯甘心恐追獲者

少給民者多也至查律內欠私債不過笞杖若違  
禁取利官吏放債勢豪准折強奪奸佔則處分甚  
嚴本都院一片曲全苦心定蒙見諒倘貴將軍都  
統以請捐之數太多未免遲疑不卽俯允本都院

當與同城院司各首亟力勸募再捐三千金共成



禁取利官吏放債勢豪者折強奪如仇具處分甚  
嚴本都院一片由余苦心定蒙見諒倘貴將軍都  
統以請捐之數太多未免遲疑不卽俯允本都院  
當與同城院司各道極力勸募再捐三千金共成  
八千之數祈貴將軍都統仍勉捐二千以足萬金  
同襄此舉查照俵分將原票盡行給發完結此事  
以仰答

皇上委任地方至意安輯兵民之心并見文武同舟之  
雅兩浙生民頂感在於世世生生矣

### 第三咨

爲旗兵契券難憑等事准貴將軍副都統移覆捐  
貲代民還債本將軍副都統戎行冷曹何能有捐



賠之力况律文並未開載宜照部覆依律完給或契券有應償還有不應償還者不難會訊等因又爲移咨事准貴將軍副都統移咨旗營庇棍等事案內錢債未經照律完結相應列單咨請示覆遵行緣由各到院准此爲照營債一事本都院實軫念逐末窮民粉骨難償故兩以捐賠咨請而貴將軍副都統回示以戎行冷曹捐賠無力然本都院蒞任以來飲水茹蘖更爲清苦此貴將軍副都統及杭民所深知所云變產代賠實出真情今當立即遣人回滇措處但往返二萬里行程并措辦約須八個月方能得到期在明歲之夏俟到另行咨

青貴將軍副都統一并准咨覆文式實定



及於民所深知所云變處行財實出真情今當立  
卽遣人回滇措處但往返二萬里行程并措辦約  
須八個月方能得到期在明年之夏俟到另行咨  
請貴將軍副都統一併確查實數代償完結萬民  
感德爲此合咨貴將軍副都統煩請查照施行

### 崇學校

竊照兩浙罹兵燹久矣今荷

皇上威靈八表廓清車書一統則禮樂肇興真儒輩出  
此其時也邇者有司狃於積習但知錢穀刑名漫  
不識教化爲何事至學官一席類皆倖借寒糴計  
資餬口誰復蒿目於鼓鐘廟貌雅意斯文言之深  
堪浩歎殊不思百廢具興方稱才吏絃歌盈耳斯



言書堂  
三  
號愛人若文學博士則香火新楨是其職掌而玩  
時愒歲均同龔瞽尤屬瘵官本都院蒞治浙土已  
八閱月其於剔弊釐奸諸大政業稍次第施行願  
與諸人士曳珮振衿共優游於化日光天之宇而  
承流協贊則郡邑之賢有司暨教職是藉焉茲擇  
急務數條通行頒示期在實心遵奉悉力舉行倘  
仍前怠玩則黜陟之例炳然殿最之考伊邇卽以  
教化張弛區分薦劾斷不宥少有徇縱所有事宜  
開列於後

計開

一修學宮先賢先聖學者水木之本源今則風雨  
不蔽何以妥靈上宰下宰上子玄涌之居肆令



開列於後

計開

一修學宮先賢先聖學者水木之本源今則風雨不蔽何以妥靈上庠下庠士子絃誦之居肆令則鞠爲茂草何以考業甚者明倫堂通作廣文住室而烟塵彌漫乎棖楹兩齋房賃爲傭監居停而男女縱橫於戶牖狼藉若此自問奚安本都院示到之日府縣官卽將該學門堂廡舍逐一清出槩不許容人棲佔相度緩急次第修理或動移公物或節省贏餘或量行懲罰多方設處以佐磚瓦木石之需外更設募簿一本自紳衿以迄商賈富民勸其隨力捐助不得恃威抑



言書堂  
勒費用稍集卽日起工其監督之任則端責教  
官及簡用忠信敏練生員數名分班督役每季  
終則將捐助設處得銀物幾何修整過某處工  
費幾何具文郵報以憑查核務俾廟庭黌舍堅  
茨丹雘煥然一新如視爲迂緩及虛應故事者  
府縣有司教職以闖茸溺職糾叅

一肅丁祭國事惟祀爲大行禮以敬爲先乃今二  
丁之祭其褻越不可勝言矣以祭器則不備朽  
蝕殘缺莫之考也以祭品則不潔穢瘠腐雜莫  
之省也以祭儀則不虔生儒跛倚而譁奴隸蓬  
垢而擁或物未薦而已饜狼饕或奠未終而早

宣鷹翼莫之禁也其罪自王故宮而于系則是



蝕殘缺莫之考也以祭品則不潔穢瘠廢祭享  
之省也以祭儀則不虔生儒跛倚而譁奴隸蓬  
垢而擁或物未薦而已饜狼饕或奠未終而早  
擅鷹攫莫之禁也其罪首在教官而府縣司提  
調之權居主鬯之位則亦難辭其咎嗣今著各  
學遵照學政全書查明殿廡及啟聖宮應設祭  
器是否違合舊制其有不備者卽日攢造補足  
或銅鑄難以卒購則或錫或瓷或木皆可權代  
務令完美當祭之期掃除階陛拂拭几筵傳諭  
執事與祭生員俱須不如葷飲酒整備衣頂恪  
共襄事神位之前應設何羹何食何菓何蔬何  
牲何脯俱毋得短少潦草錯亂無章府縣獻官



令皂役巡綽門次除執事及與祭外毋許一人  
溷入登殿周覽以及兩廡果皆如禮然後就位  
三獻本都院當密加體訪獎其明而糾其慢焉  
一申學規士之所重文行兩端而已往者月有課  
教官主之季有考府縣主之近日以爲具文竟  
成絕響殊不知勤於考校俾有榮辱得失則士  
知激勵將咿唔揣摩而城闕無子衿之刺公庭  
鮮陽鱗之跡矣嗣後各學教官每月必實行會  
課每季則府縣官命題集試評定等第懸榜宮  
牆期於有所鼓勵至於朔望行香僅廟中一拜  
倉皇而去以講堂爲蘧廬以師儒爲憎物是其  
境中幾與無學交等嗣後各學具立講學一



課每季則府縣官各是算言言定年等算具本  
牆期於有所鼓勵至於朔望行香僅廟中一拜  
倉皇而去以講堂爲蓬廬以師儒爲憎物是其  
境中幾與無學校等嗣後各學俱立講學一人  
或推首宿先生或擇鄉閭名宿或聘請鄰封學  
行兼優之儒俾主講席府縣官於每月朔日升  
明倫堂習禮序坐授凡乞言取生人愛敬知能  
之良與反躬爲己之要痛快提撕使聽者悚然  
警悟餘則及於學業如胡安定經義治事之條  
亦皆質疑問難詳悉討論庶幾人才有所造就  
風尚翕然可觀本都院已擇二月初一日詣杭  
州府學親講作倡每月依期永爲定例所屬府



州縣俱限是日一體舉行仰各預具遵依并講學姓名報聞以備延訪徵聘之選違者以不職論并發本都院前任容城令時講學金容敬一錄二篇於學

一嚴優劣生員之舉優劣所由示旌別也旌不足以勸善別不足以懲惡則啟倖波殃其弊滋甚近見教官每歲呈送其所謂優者或蓬蓬髦儒邀榮末路或銅山乳臭藉乞姑留未有果能表潛德之光也其所謂劣者或小嫌構訟口任含沙或宿怨揮金手從下石未有果能遏大憝之

醜也如此則滿紙袞袞盡是不虞之譽徒作里右笑談終朝擊虢大都無妄之災寧免司辛賁



潛德之光也其所謂劣者可小姑排言曰何合  
沙或宿怨揮金手從下石未有果能遇大憝之  
歆也如此則滿紙袞袞盡是不虞之譽徒作里  
右笑談終朝擊禡大都無妄之災寧免同庠憤  
惋無怪乎士不修行而匪類朋興矣本都院當  
一面行飭提學道於凡舉優者必周徇素履不  
得槩予品題舉劣者須發審研實不得遽批黜  
革其該學教官申報學道務由府縣官覆核取  
具里鄰甘結及害証確供然後轉詳不許徇情  
冒濫寃陷無辜其有真正劣惡府縣官教官不  
能先行申究經本都院訪拿亦以賄庇叅處不  
貸特示



言書堂  
三  
飭鄉約

爲飭行鄉約以正民俗事照得郡邑吏治首重清  
廉尤先教化定例薦舉卓異無教化興行字樣不  
准註考誠以移風易俗固良司牧責也康熙十五  
年

皇上特申聖諭十六條

勅各郡縣置鄉耆老月朔宣諭而前任撫院陳增之註  
解附以律令

題請刊布頒式各省則爾浙之奉行厥惟舊矣乃日

久懈生馴至寢廢適鐸之聲杳聞仁義之途充塞

遂使流俗愈壞莫能救正其間孝子悌弟循理樂

善之家十或得一而官不口勸郡之口示凡勸之



題請升在頒式各省見爾泚之奉行屢中會矣  
久懈生馴至寢廢適鐸之聲杳聞仁義之途充塞

遂使流俗愈壞莫能救正其間孝子悌弟循理樂  
善之家什或得一而官不知勸鄉不知法風勵之  
道衰故興行之民少本都院蒞任半載其以敗常  
亂德寡廉鮮耻罹法網者在在見告是有司甘爲  
俗吏失於教導罪不端屬百姓也爲此 云云 卽於  
所轄各鄉之中每鄉舉年高有德閭里推重者一  
人爲約長使主一鄉之事舉年壯力强素行無過  
者二人爲約副主登壇宣諭檢察一鄉之事並免  
其徭有司以禮優待每月朔日會集公所將

聖諭及註解高朗講說務令明白曉暢悚然警悟毋得



虛應故事嗣是一鄉之民有信從遵奉身體力行者或頑梗不率背犯教條者約副並得檢察之以告約長轉聞府縣有司或獎或懲毋或徇怠其重者申報本都院加之旌表誅殛若約長約副糾舉不公容情受賄任事懈弛亦干究治府縣官卽爲更置責逐不貸文到之日先具遵依并約長副姓名報聞以憑查驗毋違速速

振積玩

照得兩浙官吏積玩浸入骨髓非尋常可以振起如錢穀驛鹽學校一應事件屢催不應必延至逾限而後草率混覆俾不服駁查倉皇咨題一大弊也如刑名盜命一應事牛屢催不應必延至逾



照得兩浙官吏積玩浸入骨髓非尋常可以拔走  
如錢穀驛鹽學校一應事件屢催不應必延至逾  
限而後草率混覆俾不服駁查倉皇咨 題一大  
弊也如刑名盜命一應事件屢催不應必延至逾  
限而後草率混覆俾不便具 題一大弊也此二  
大弊豈官之不欲卽申卽結哉總由各屬經承舞  
文弄法受賄作奸上下交通打成一片故意延挨  
代人出脫此其中大有緣故在也官不之察僅謂  
經承怠惰偷安試思此輩一事到手頓視爲希有  
奇貨有爭而承行者有夤緣而承行者承行之後  
精神心力畢聚於此其遲者必有爲而遲速者必  
有爲而速豈真坐醉夢中耶本官墮其術中甘心



隱忍代其受過俾上司目爲闖茸異日註考曰罷  
軟曰才力不及率皆由此猶恬不之怪惜哉今非  
大創一番斷難振起數年積玩故特爲嚴飭如杭  
嘉湖道一件爲惡棍漏典等事詳稱屢催嘉興府  
不應檄令將經承解究不應等因到院本都院立  
爲代提懲處該府并將該縣經承同解到轅各重  
責三十大板發回革役該道預申則該道經承卽  
免究在案此後凡事有一件挨限不完本都院責  
之司道立提經承責革司道責之府亦立提經承  
重責詳革府責之州縣亦立提經承重責詳革遞  
相嚴儆俾此輩知痛楚之切膚而後知公事之宜  
繫知生命之爲重而後知才力之當經



之司道立提經承責革司道責之府亦立提經承  
重責詳革府責之州縣亦立提經承重責詳革遞  
相嚴儆俾此輩知痛楚之切膚而後知公事之宜  
緊知性命之爲重而後知財物之當輕如該司道  
府有如杭嘉湖道預爲申詳而來本都院絕不厭  
煩亦卽立爲代提重懲如此而不猛然省悟隨呼  
隨應捷於影響者未之有也爲此牌仰該司道府  
卽便轉飭一體遵行毋違

### 禁夫船

爲嚴禁擅取夫船以甦官民重困事照得驛站之  
設原以供給皇華支應急遞部發勘合火牌用爲  
照驗若一切官員差使私自過往槩不得擅行索



取

功令煌懸有如星日至於偏疆僻邑未經設有驛遞  
本無夫役可應追呼益無波累平民之理埠頭船  
隻則不耕不織之人藉爲活命養家之計豈容官  
蠹強暴漫肆拘拿本都院訪得兩浙道途有擅索  
驛遞之弊有私取民夫之弊有橫封埠船之弊遂  
使抱關下吏遭呵辱以難堪雞肋辱農苦奔馳而  
莫訴河干江汭轟然鳥駭魚驚水棹山輿儼被妖  
乘鬼攝旂營之防兵走卒輒思循岸踰船仕宦之  
遊客鄉親亦要討夫出票如是州縣之官或派費

以待洒額外無藝之征關壩之棍多擇弱而欺啟  
同類相殘之禍積習成風恬不知怪本都院



乘鬼攝放營之防身走卒輒思徧岸踰舟仁官之  
遊客鄉親亦要討夫出票如是州縣之官或派費

以待洒額外無藝之征關壩之棍多擇弱而欺啟

同類相殘之禍積習成風恬不知怪本都院矢志

澄清幸際此太平世界誓當盡振頽靡爲此云

嗣後驛遞所在除奉有勘合火牌者照例如數撥

給夫船外其餘白牌小票到驛擅取許驛官卽時

擒執控究如有擅付則與受同罪其無驛地處所

州縣敢擅役一民擅派一費或經告發或經訪聞

卽以違

**旨私徵特** 題拿問至埠頭船隻非大兵歷境永無封

船之例卽本都院公出坐船用夫必係自雇斷不



毫擾民間各屬一應大小文武官員凡到任離任  
公私往來以及衙門各役奉差解餉解火藥各營  
兵目分防更番賫文投送務皆仰遵明示悉行自  
僱槩絕捉船裝載索夫挑抬積弊敢有抗違官卽  
題參兵役立拿重處不貸法在必行勒石永禁慎之

特示

禁濫差

爲申嚴濫差之禁以除弊害事照得小民之最苦  
者差役也本都院疾之若仇首政嚴禁卽以此分  
別官守之賢否糾劾不肖之溺職者亦差役也近  
聞各屬復飛差四出夫人倘不至耳聾目瞶入國  
尚須問禁居官豈有冥行何苦以遠大功名揀此



者差役也本都院疾之若仇首政嚴禁自以此分  
別官守之賢否糾劾不肖之溺職者亦差役也近  
聞各屬復飛差四出夫人倘不至耳聾目瞶入國  
尚須問禁居官豈有冥行何苦以遠大功名揀此  
一舉惹小民之怨干

**功**令之嚴取本都院之怒招鬼神之譴近訪得司道  
差人下府該府亦差役下縣且有夥伴副役輪流  
坐縣隨後簽差號差不一其人酒飯人事船錢規  
例該縣經承不得不竭力供應需索既遂卽以空  
文回覆所差之事仍無完結或諱差役之名竟令  
經胥赴縣行催者本書隨帶僕從侈扮行裝到則  
迎風置館厚程豐席坐則盛供乞恩求情去則重



禮送行較之下役又加十倍此項破費豈天降地出乎非科歛於里民卽那用其錢糧日後民有私派之控官有侵那之累率皆由此本都院聞之真痛心疾首該府之泄視禁令一至於此經承之膽大不懼訪拿僅快目前一至於此除另行察叅外合再飭禁爲此牌仰該府照牌事理嗣後各屬一應錢穀刑名事務俱照本都院設立號牌飛簽之法檄催不完則發號牌三催不到則發簽提簽提不應卽將該印官指名揭叅如此執法嚴行雖有疲玩不愁不振也此番申嚴或從或違聽之官吏本都院惟知有法惟知有民而已該府仍設立循環文簿如有司道差役到府者卽將差役姓名并



不應自將該印官指名指參如止幸治嚴行雖不  
疲玩不愁不振也此番申嚴或從或違聽之官吏  
本都院惟知有法惟知有民而已該府仍設立循  
環文簿如有司道差役到府者即將差役姓名并  
因何事所差緣由據實填報本都院查核毋違

### 汰冗役

爲嚴汰冗役以清蠹源事照得吏治今日之不古  
若民困之難甦俗日以敝弊日以生相循而不已  
者其故皆由史胥徒隸之繁各屬衙門諸役俱奉  
有經制額定名數給以工食期於辦事驅使而止  
乃近來經制之外至於倍蓰一役之名而數人充  
之一事之役而數十人據之一曹之事而千百人



蟻聚蠶擁之人數既多則智巧迭出而狼狽相依  
職任互諉而課成翻滯輪班則囑負堂堦肆獍狴  
而圖饕餮休沐則壟斷里井指關節以簸招搖民  
受其殃官蒙其玷而若輩從中罔利言之可爲切  
齒向來非不屢經查汰其如習視具文無非公議  
朋名湊合制額出一遵依了事究未嘗減去一人  
本都院下車以來濫差有禁衙蠹有訪地丁漕糧  
鹽捕詞訟諸弊各經釐剔在案各官何苦集此磨  
牙張吻之徒自對召詢招尤之幟除本都院轅門  
戎旗儲將齎奏聽用等員役首先澄汰外合行通

飭爲此牌仰闔屬文武官員知悉卽將該衙門吏

承書問皂夫查照頭及氣散母頭一名人見王



牙張吻之徒自登召訪招力之帽除本春院轉門  
戎旗儲將齋奏聽用等員役首先澄汰外合行通  
飭爲此牌仰闔屬文武官員知悉卽將該衙門吏  
承書門皂快查照額設原數每額一名於現在著  
役之中吏書則考取文理粗通皂快則揀擇年力  
精壯一人並要身家無犯取具里鄰甘結然後許  
之充役其餘盡放歸農嗣將選留各役姓名大書  
告示曉諭所管地方以杜假名撞歲白役詐騙之  
弊仍造額役清冊一本每役下填註現役姓名籍  
貫年貌居址呈解本都院存案查察若額冊無名  
影射肆毒者或經告發或被訪聞定照光棍例從  
重擬辟其有黜革事故更換頂替每遇季終具文



彙報以憑僉冊改註無者免報倘衙門繁劇經制各役不敷辦理預將真實情由詳明本都院酌奪另示牌到之後俱限一月內文冊申院各屬其能勇與本都院同心掃除千百虎狼以甦全浙農工胼胝之衆則今年

計典明年舉劾卽以革除蠹多者爲課最其或陽奉陰違舍己循役則有白簡在本都院奈此闖茸者何哉思之毋忽

禁勒詐

爲嚴禁衙役勒詐聽審陋規以肅法紀事照得衙門各役原供奔走之用非令張威怙勢設此厲民乃聞各屬衙門一遇人犯及審判案原向原解之



禁勒詐

爲嚴禁衙役勒詐聽審陋規以肅法紀事昭得衙  
門各役原供奔走之用非令張威怙勢設此厲民  
乃聞各屬衙門一遇人犯投審到案原拘原解之  
後卽便從中打合妄稱規例內自書房外至轅門  
上自吏承下至轎傘水夫之類衙門愈尊則名色  
愈衆奇形怪狀駭見怖聞先索酒食盤飧聚會某  
樓某館次要銀封錢串數目若少若多約計開列  
之單已破中人之產稍不遂意則欲入而詬誶橫  
加頓令頭昏眼黑方出而棒鞭亂下定教帽落衣  
殘至於用刑皂隸夾棍行杖亦必招認講明得賄  
則重犯而故輕無錢則小懲而倍狠潑膽橫行玩



法婪賊莫斯爲甚矣此在昏庸之輩固屬懵然無知苟著賢能之聲豈不因茲有玷合行飭禁爲此牌仰該司道府照來文事理卽便嚴飭該衙門各役知悉嗣後於聽審人犯槩不許橫索一茶一錢敢有違犯者卽照犯賊事例盡法重處不貸各官更須留心獄訟凡准理承問之案必隨到隨審不得稽滯以滋弊端再細加體察令耳目洞然毋任作奸蒙蔽或致陽奉陰違

計典伊邇賢否殿最從此攸分各宜猛醒慎之毋忽

禁私折

爲嚴禁私折南糧以甦民累以裕兵餉事照得各屬火量奉發本也亦營兵米自應催解本色守責



言典例通覽否與最從止似久各宜狂醜慎之母忽  
禁私折

爲嚴禁私折南糧以甦民累以裕兵餉事照得各屬秋糧奉撥本地旂營兵米自應催解本色貯積倉廩以備支給本都院蒞任以來禁革積歇蠹棍串通倉脚總書包攬折乾勒耗作弊何啻三令五申乃訪各屬官役藐抗上行仍蹈私折故轍怙終不悛每米一石折徵一兩二三錢不等各官惟貪烹肥之利不知割肉之苦且墮中飽之奸旋滋悞餉之弊其南糧解省者徒有掛批發收之名並無粒米上倉之實以致滿漢官兵尅期放餉而庚癸頻呼衿肘畢露各兵恣肆咆哮豺鳴虎跳諸役迂



迴掩飾鼠視蛇行骫法悞公真可痛恨今康熙二  
十四年南糧開徵伊始除給示四倉及行司申禁  
外合再通飭爲此牌仰該府立即轉行各縣張示  
倉廩嚴諭收糧員役務令徵收本色貯倉聽候撥  
解如有仍前私折勒耗等弊一經訪聞告發官卽  
題叅蠹役立拿處死其納糧民戶甘心被勒重價私  
折串票以致南米缺額者查出槩不作准仍令照  
數完納以爲與受同罪之戒該府速取各縣并自  
具遵依報案存查毋違

### 禁打鳥

爲嚴禁打鳥傷生以廣化育事照得人生日用有  
公需之物固難禁絕然後生之業固難禁絕



禁打鳥

爲嚴禁打鳥傷生以廣化育事照得人生日用有必需之物固難禁其不殺失業窮民有必趨之利亦難禁其不爲若夫物不可登於几俎利不過算以錙銖而殘忍慘毒惻目傷心則莫如打鳥一事矣以彼翱翔空宇棲遲林木於人無患於世無求體輕而肉瘦食之不足以飽也性熱而氣腥嚼之殊不覺甘也則打之者之無謂也奈何破其巢卵拆彼雌雄徒傷天地好生之仁致造因果報還之孽頑冥無知一至於此合行飭禁爲此

云嗣後

務各發慈心另謀生理如有或執鳥鎗或擎粘竿



言書堂  
三五  
故戕物命者許地方總甲人等民則擒送所在官  
司重責枷示兵則拿送該管將領軍法從事扶同  
容隱一併治罪不貸

讀書堂綵衣全集卷四十四止

雲南文物委員  
會收購移交



讀書堂綵衣全集卷四十四止

雲南文物委員會  
收購移交





















